

A2^r

Vorrede.

Den vorfichtigen/ Erbarñ/ vnd Wolweifen Herren/
Bürgermeister/ vnd Rath der Stad Lüneburg/ meinen
groszügntigen Herren/ wüntsch ich Georg
Lauterbeck mein gantz willige
dienft zuuor.

VORfichtige/ Erbare/ vnd Wolweife/ groszügntige Herren/ es wird von menniglich/ so aus der Philofophia/ einen vnterricht bekommen/ dafür geacht vnd gehalten/ das die Bucher/ so der tewere vnd hochuertendige Man/ Plato von den gefetzten vnd dem gemeinen nutz gefchrieben/ nicht wenig zur regierung deffelbigen/ nützlich vnd dienftlich fein. Nach dem aber Plato aus hohem verftand/ seine Bücher alle dermaffen gefchrieben/ das sie nicht ein jeder verftehen vnd erlangen kan. (Wie ich denn auch für mein Perfon daffelbig thu bekennen.) Also hat sich für wenig Jaren zugetragen/ das ein vortrefflicher hochgelerter Man/ Herr Johan Sleydan/ von Strasburg/ dieselben des Platonis Bücher von der Regierung dem gemeinen nutz vnd menniglich zum besten/ in ein kurtze summa zu Latein verfaßt/ welche mir/ als ich sie gesehen/ dermaffen gefallen/ das ich nicht hab vnterlassen wollen/ dieselbige ins Deudsch zu bringen/ wie ich denn solchs (wiewol etwas eilend/ vnd vntern andern geschefftē) wircklich gethan. Ertlich vñ vornemlich darumb/ das ich mir dieselbigen Schrifftten/ deste besser vnd vleiffiger einbilden/ vnd verftehen lernen möchte. Folgend den Regenten/ in Stedten/ vnd dem gemeinen nutz zum besten/ Dieweil gleichwol hin vnd wider viel darinne/ welchs zu erbawung vnd forderung des gemeinē nutztes dienlich/ befunden wird. Derwegen denn auch die Gefetz geber vnd Juristen so viel von Platone gehalten/ das seine meinung/ noch heutigs tages/ in den Rechtsbüchern hin vnd wider gefpürt/ ja es werden auch seine wort an etlichen örten gefetzt/ vnd gelesen/ wiewol auch darneben je bisweilen etwas mit vnter gemenget/ welchs sich zu diesen vnfern zeiten/ wenig oder gar nichts reimen wil. Wie denn auch Plato etliche gefchrieben/ nicht der meinung/ das es also sein mußte/ sondern hat ein anders darunter wollen zuuerftehen geben/ Welchs aber alhie zu lang werden wolte/ nach der notdurfft auszuführen. Doch mus ich es mit einem Exempel oder zweien erkleren. Es schreibet Plato/ das den jenigen/ so viel guts bey dem gemeinen nutz gethan/ recht geschehe/ wenn sie dargegen nichts denn vndanck empfangen/ vnd oft darüber vmb leib vnd gut komen. Denn sie mit jrer wolthat nichts anders angericht/ denn das sie dem gemeinen pöfel jren mutwillen da-

mit geftercket. Item/ da er schreibet/ man sol alle ding gemein haben/
wil damit anzeigen/ das der Reichen vnd Gewaltigen hertz vnd
mut dahin gericht/ das sie gern alles haben/ vnd niemand nichts ei-
gens lassen wollen. Fürs dritte/ ist das nicht die geringste vrfach ge-
weft/ dieweil ich dazumal in einer Stad/ ein vnwürdiger Syndicus ge-
wefen/ vnd derwegen alles gern gelesen vnd geschrieben hette/ was
zu anrichtung gater/ erbarer/ vnd Chriftlicher policey dienlich/ vnd
dauon geschrieben ist/ Dieweil denn der Plato mit fonderm vleis hie-
von geschriebē/ hab ich den auch befehen müffen. A ij 3u

A2^v

Vorrede.

Zu letzt hat mich hiezu verurfacht/ dis Buch zu verdeudfchen/
 vnd in druck ausgehen zu lassen/ auff das ein jeder sehen möcht/ wie
 ein großer vn̄ mercklicher vnterfcheid fey/ vnter der lere der heiligen
 göttlichen Schrift/ vnd der Philofophey. Denn ob wol diefer Man
 fo einen hohen verftand gehabt/ das es aus dem liecht der Natur/ nie
 keiner hat höher bringen können. So ift es doch eitel finfternis gegen
 dem liecht des heiligen göttlichen Worts/ Derwegen man denn/ dem
 Allmechtigen/ darumb hoch vnd viel zu dancken/ der vns in diefen
 vnfern letzten zeiten/ mit einem folchen liecht/ aus gnaden vnd milder
 Barmhertzigkeit begabet hat/ follten vns auch durch keinen weg da-
 von abfürenlassen/ Viel weniger follten wir denen ftat geben/ welche
 diefe zwo edele vnd herliche gaben/ als die heilige Göttliche Schrift/
 vnd die Philofophiam mit einander zu vergleichen/ vnd zu vermen-
 gen sich vnterftehen/ Sondern follten ein jedere an jrem ort/ vnd in
 jrem werd bleiben lassen. Denn ob wol die Philofophia nicht allein
 luftig/ fondern auch nützlich ift/ vnd von der Regierung des gemei-
 nen nutzses/ desgleichen von der erbarkeit vnd guten fitten/ vernunft-
 tiglich leret/ fo kan fie es doch weiter nicht bringen/ denn fo viel den eu-
 ferlichen wandel thut belangen. Wenn aber einem Menfchen etwa
 widerwertigkeit vnd anfechtung zufftehen/ fo würdet er folchen troft
 darin nicht finden/ als in der heiligen göttlichen Schrift. So haben
 auch die Philofophi zu dem rechten erkenntnis Gottes/ aus jrer eige-
 nen vernunft niemals komen mögen. Darumb faget auch Johannes
 recht/ Got hat niemand je gefehen/ denn der ein geborn Son/ welcher
 ift im fchos des Vaters/ der hats vns geoffenbaret.

Dis find die vrfachen/ günstige Herren/ fo mich bewogen/ jetzi-
 ger zeit von diefen dingen zu fchreiben/ vnd dis Buch in vnfer deudfch
 fprach zu bringen/ auff das man wiffe/ wie diefe kunft zu vnterfchei-
 den fey. Nach dem denn je vnd allwege von alters her der gebrauch
 gewefen/ das folche vnd der gleichen Bücher/ Fürften/ Herren/ vnd
 Stedten fein zugefchrieben worden/ hab ich ewer Weisheit mit die-
 fem Büchlin/ fo viel mir daran zufftehen vnd gebüren mag/ dediciren/
 vnd diefelben damit verehren wollen. Denn ich von vielen tapffern
 vnd gelerten Leuten/ welche E. W. auch zum teil verwand gewefen/
 verftendiget vnd bericht worden/ das fie der Regierung des gemei-
 nen nutzses/ auch der Religion halben (Gott lob) der maffen gefaft
 fein/ das man der gleichē Stedt faft im gantzen Deudfchen Lande we-
 nig finden fol. Derwegen sich denn auch Gottes fegen fo reichlich vnd
 mildiglich bey denfelbigen sehen leffet. Vnd wolt Gott/ das andere
 Stedte/ welche eins teils mehr auff jren pracht vnd hoffart/ des glei-

chen vnzucht vnd wucher/ denn auff gute/ erbare sitten/ vnd Chriftliche gute policey achtung geben. E. W. hierinne zum ſpiegel für ſich nemen/ vnd den nachfolgeten/ ſo würde es fonder zweiffel/ alles Chriftlicher/ beffer/ vnd förderlich zugehen. Deñ das jetzt hin vnd wider in Deudſcher Nation ſolche krieg vnd empörung/ ein zeit her/ ſich erhalten/ kan ich für mein einfalt nicht anders erachten. Denn das ſie ein ſtraff vn̄ ruthen fein/ vmb vnferer ſünden willē/ dieweil nit allein alle erbare gute policey faſt gar auffgehört/ dargegē ſünde vnd ſchande/ vnzucht/ wucher/ vnd vntrew dermaſſen vberhand genomen/ das man dieſen dingen ſchier nimer ſtewern vnd wehren kan/ Sondern

A3^r

Regifter.

dern auch etliche dahin gerathen/ das sie sich bewegen laffen/ ande-
rung in der Religion zu machen/ vngeacht/ das die offentliche vnd
bekandte Warheit am tage ift/ Welchs fürwar schrecklich zu hören.
Vnd zu beforgen/ wo wir nicht folchen jrthumb vnd fehl erkennen/
vnd bufs thun/ das wir noch herter ftraff darumb müffen gewertig
fein/ dauon doch jetzt nicht zeit weiter zu schreiben. Bitte E. W.
gant3 dienftlich/ fie wolten diese geringfchetzige verehrung/ zu gún-
ftigem gefallen annemen/ das wil ich vmb E. W. mit höchtem
vleis/ widerumb zu verdienen willig erfunden werden.

Vnd thue mich Ewerer W. hiemit befehlen. Da-
tum Mansfeldt/ am fechszehenden/ des
Monats Aprilis/ der weniger zal
im vier vnd funfftzig-
ften Jar.

A iij

Regi-